

ԱՐԱՐ ԵՐՐՈՐԴ

ԶԱԶ ՆԱԶԱՐԸ ՀՍԿԱՍՏԱՆՈՒՄ

Խոր անտառ: Հաստաբուն ծառերի բները գերանների պէս ցցուած մթնեցնում են խորքը: Մի բացուած է գոյանում ուղիղ դիմացը, ուր բարձրանամ է հսկաների կիկլոպեան ամրոցը: Մի քարէ անկանոն սանդուղք է իջնում ամրոցի դռնից: Մէջտեղը բացատ է: Աջ ու ձախ շաւիղներ:

ԽՈՉԵՆԻ.– (Խոշոր աչքերով, փքուած հսկա: Գլխաբաց է, մազերն ածիլուած, միայն գագաթին մի փունջ կա: Երկար բեղերը հասնում են մինչեւ ականջները եւ աւելի: Փութի պէս է շնչում եւ երբեմն ինչ-որ ձայն է հանում, նման խոզի խորդալուն: Գլուխը դուրս հանելով ամրոցի ատամներից՝ դես-դեն է մտիկ տալիս) Հը՛ճճճ...

ԴԱՆԳԻՉ.– (Ծոյլ, դանդաղաշարժ հսկա, քնատ եւ ցաւոտ աչքերով: Ամրոցի խորքից ծոր է տալիս) Խոռզէ՛նէ՛նիի:

ԽՈՉԵՆԻ.– (Նոյնպէս ծոր տալով) Ի՛նչ Է՛Է՛Է՛...

ԴԱՆԳԻՉ.– Խոզենի՛ի՛ի՛...լսո՛ւմ ե՛նէ՛ս...

ԽՈՉԵՆԻ.– Հա՛, հա՛, հա՛...Ի՛նչ Է՛Է՛Է՛...

ԴԱՆԳԻՉ.– Մի մտիկ տուր չորս կողմ, տես ինս, ջինս, մարդ, քարաւան չի՞ երեւում:

ԽՈՉԵՆԻ.– Լա՛ւա՛ւա՛ւ (Նայում է չորս կողմը, հորանջում է, կոտրատում եւ ապա խորդում) Հը՛ճճճ...

ԴԱՆԳԻՉ.– (Խորքից) Ղուզղուն, Ղոռորուղա... (Գլուխը դուրս հանելով) Ղառաղուռա՞...

ԽՈՉԵՆԻ.– Էստեղ չեն, Էստեղ չեն:

ԴԱՆԳԻՉ.– Ո՞ր եւ,

ԽՈՉԵՆԻ.– Ո՛րսի եւ, ո՛րսի եւ, ո՛րսի:

ԴԱՆԳԻՉ.– (Մի կերպ հասկանում է, ապա գլուխը կծկելով ուսերի մէջ՝ ներս է ընկնում):

ԽՈՉԵՆԻ.– (Դէպի ամրոցի խորքը թեքուելով) Աղջի Փերիշան...

ՓԵՐԻՇԱՆ.– (Միամիտ, խոշոր աչքերով, ժպտաղէմ, հսկա աղջիկ: Խորքից, երկարացնելով մինչեւ ներս գալը) Ի՛նչ Է՛Է՛Է՛...

ԽՈՉԵՆԻ.– Մեծ ապերը հրես կգա որսից: Պղինձները դիր կրակին: